

鰲

峰

集

鼇峰集卷之十九

閩郡徐勳與公著

七言律詩

癸丑元日

桃符新換華門端卜歲還將鳳曆看  
半榻夕薰銷甲煎一天春色到辛盤  
喜逢節序循鄉俗黍竊時名在菡壇  
四十四年如水過催人頭白亦何難

送林元達請選之京

多少儒冠誤此身羨君頭上進賢新北山鶴怨  
青林月南浦飄飛碧草春時學狂生搥疊鼓每  
逢丞相吐車茵莫言擊柝官卑散亦有時乎仕  
爲貧

小構書軒有述

聞鋤隙地得三尋小築書軒就樹陰不羨歌臺  
併舞榭頗憐城市有山林經營苟合堪容膝結  
構難成亦費心我坐一間兒半堵南窓佔俾北  
窓吟

送歐陽維禮罷官還金陵

幕下何心戀一官，裁成初服返長干。  
從來畏路多投杼，莫厭清時早掛冠。  
新水蒲江歸棹易，空囊千里到家難。  
南風舊隱松堂在，卧聽春潮百尺寒。

題潮陽周攸質疊蒼樓

百尺高樓接混茫，幽居寧讓浣花莊。  
江澄雪練重重白，峰敞雲屏疊疊蒼。  
鑿石引泉通曲沼，開林種樹護危牆。  
北山已屬周顒隱，誰更移文到

草堂

寄謝在杭治河張秋

使者分曹治北河，應知瓠子不興歌。  
旣憐驛路携家遠，又苦官船過客多。  
屐到東山登小魯，膠和深井煮名阿。  
俸錢莫惜抄書籍，雙眼將花柰老何。

送周爾德遊雲間

扁舟適越復遊吳，行李蕭然一劍俱。  
夜月獨聞千里鶴，秋風堪買四腮鱸。  
綠蕪織屨春南浦，白

浪粘天大泖湖試問陳朝雙老僧  
霜皮曾溜雨痕無

輓王百谷先生

鵬鳥爲災鶴化時詞塲無主菀壇悲門多馬策  
羊曇淚價重雞林白傅詩爭賦七哀身後詠誰  
題十字墓前碑曾持半偈超生死不敢招魂誦  
楚辭

交誼平生託范張問年元是丈人行公車奏罷  
三千贖稅苑名聞六十霜吳地山川應失色太

湖風月總無光  
南州絮酒空垂淚  
目斷金昌路  
渺茫

送曾用晦令新會

乍縮銅章到海濱  
戴星原是少年人  
爲狗祿養求官  
早初習刑書  
領邑新粵岫  
列屏圍廡宇  
瘴雲凝黛染城闌  
月明吏散琴聲靜  
翡翠宵啼嶺樹春

中秋前二日施大將軍招集具美樓待月  
同虞公普林存古謝彥安分得懸字

百尺樓開萬井烟月華先賞兩宵前庾公自據  
胡床坐徐禪空慚短榻懸杯底金波浮馬乳匣  
中紫氣吼龍泉將星夜合文星聚莫問蟾宮桂  
影偏

四明虞公普見訪有贈

登壇詞賦久知名  
狂客何來自四明  
海內十年遲識面  
竹中今日始尋盟  
炎天荔子他鄉夢  
曉渡桃花故國情  
莫道窮愁書可著  
幾人雙壁贈虞卿



送葉汝習謁選赴京兼省覲

公子翩翩氣自豪  
拜官今去謁東曹  
九重雨露瞻黃閣  
五色雲霞爛玉毫  
省覲每嬉萊彩服  
承恩先賜錦宮袍  
清朝侍從推稽古  
世掌絲綸屬鳳毛

寄林子實

形骸土木髮雙蓬  
一室鰥居古驛東  
嗜酒興高貧不廢  
耽詩吟苦老逾工  
叅禪偈與名姬說  
寄友書憑估客通  
莫道地偏人跡少  
再三求我有

童蒙

莆陽游勿馬持其先人元封竹林集見示

感而有作

哭聲安得到泉臺身後遺篇洒淚開月旦共嗟  
蘭玉折風流爭羨竹林才騷驛渥水神駒出冷  
落承塵野鵬災廿載交情文字裡不關鄰笛自  
生哀

送徐颺岐父母擢計部

鳧鳥雙飛指帝鄉計曹名重度支郎龍唇乍歇

琴堂響雞舌新含畫省香仗影晴移宮籞月玉  
聲寒佩御橋霜賢侯去後蓬門寂誰肯停車問  
子方

答贈曹介人孝廉以閩游雜記綠榕篇屬荔  
枝小乘見寄

扁舟烟雨別橫塘不牒閩川借寵光千謁豈曾  
懷短刺遠遊寧止宿春糧連年落第同曹艱到  
處尋山類向長丹荔綠榕題品盡投來新記枕  
中藏

送永福唐令君擢杭州二字

桃李成蹊總不言三山雲樹送行軒湖心舫集  
賓僚待江口潮生候吏喧載酒尋幽黃葉寺停  
車問俗綠桑村白蕪芳軌元堪嗣善政流風尚  
有存

哭隆兒

彼蒼於我有何讐蚤奪嬌兒哭未休幾寸柔腸  
刀刃割一眶清淚瀑泉流醫方積案都無驗佛  
力彌天枉費求忍過桑溪埋骨處蒲山猿鳥咽

松楸

祭酒嶺爲先人築墳有感

風木關情涕淚零  
新營宅兆荷山靈  
良時注水尋針法  
午夜篝燈讀葬經  
未有石人張墓道  
且看幼婦勒碑銘  
一坏馬鬣身親築  
木喻土群烏事杳冥

送藍翰之謁選之京

明經早歲薦南宮  
奏得諸儒白虎通  
講席新看三墜鱸  
家聲曾說五花驄  
紫絲曉拂燕山月  
絳

帳宵圍泮水風著就玄言驚一代及門誰不拜  
楊雄

張詩廟

野鹿爭啣御苑花忽聞鞀鼓動胡沙孤城食盡  
猶羅雀古廟年深自噪鴉守令千秋同饗祀偏  
禪諸將總忘家不堪夜聽更樓笛吹醒忠魂月  
影斜

癸丑除夕

自是無心與老期年華催得髮成絲爲麟爲鳳

終何補呼馬呼牛總不知慧遠已招蓮社約杜  
陵誰贈草堂資屠蘇滿注香盈缶不敢斟來祭  
惡詩

甲寅元日

初開莫葉散條風萬井千家鼓吹中春到始看  
堯曆早老來偏信釋門空尊前栢酒拈重碧市  
上香塵踏軟紅四十行年增五歲壯夫依舊事

雕蟲

送馬季聲應貢之京

磨穿鏡硯敝儒衣才舉明經貢禮闈馬氏雙眉  
稱最白鵬程六翮待雄飛月窺騎影臨關早雲  
曳雞聲度嶺微賦就莫愁無引薦故人今首揆  
黃扉

送陳泰始侍御巡按江西

驄馬行行繡斧銛祥烏爭向栢臺瞻十三名郡  
風霜蕭蕭億萬生靈雨露霑曉察下寮開鐵印暮  
登高閣捲珠簾法星直與龍光並遙夜頻勞太  
史占



送鄭惟寧之淮陰

翩翩裘馬少年遊，千里關河問楚州。  
謁客姓名磨短刺，許人肝膽拊純鉤。  
雲迷海色胸山斷，月浸波光泗水流。  
漂母祠前芳草綠，王孫休聽杜鵑愁。

寄許靈長司理宣城

江魚塞鴈兩無情，廿載音書杳寄聲。  
顏色每疑梁月皎，參辰長望法星明。  
投來兔穎當年蹟，憶得雞壇舊日盟。  
遙想郡齋窓裡岫，驚人詩似謝

宣城

題荔了緣拜石齋

齋前恠石勢嵌空疊嶂層巒隘華嵩四壁每生  
雲鬢鬣一奉時露玉玲瓏携來醒酒元無匹移  
傍支機迥不同長日衣冠親下拜好奇寧讓米  
家風

贈胡紹進明府

纔看峴首勒豐碑謗起中山復量移八法書成  
從客問一官清甚畏人知飛霜暑路輪鹽笑吹

兩寒窓謫宦詩日噉荔枝同故國栖遲應待賜  
環期

送陳永奉之金陵謁衛司徒

家貧何以得安居千里依人強曳裾袖裏刺磨  
狂處士殿前履聽老尚書寶輪卓漢三山外鐵  
鎖沉江六代餘誰廣孝標新著論險巖難上太  
行車

寄翁朝會太學

南唐御史狎鷗翁遺裔推君有祖風自結閒緣

高隱豹不將小技事雕蟲  
門臨四嶼江雲碧簾捲  
千山海日紅莫道盈盈睽  
一水相思時得寄  
詩筒

望夜施正之大將軍招宴鎮東賦海樓

侯門清切肅干旛西第常  
容客客曳裾吹角正當  
花落後登樓偏在月明  
初城頭僅露山光半窓  
外全收海色餘莫以書生  
能作賦淺才應愧水  
玄虛

和施大將軍署中賦得月下槐影

官槐樹老獨婆娑  
夜月輕移翠影過  
乍見游龍蟠北牖  
恍聞行蟻上南柯  
照當階下分蒼藓  
轉入牆陰亂綠蘿  
不比汾陽歌舞地  
門前空有夕陽多

贈秦士鼎將軍

年少登壇建隼旗  
家臨滄海望扶胥  
雅歌久習同征虜  
兵法新編學穰苴  
馬骨臺前聲自重  
龍魂匣裏氣常嘘  
東南兩世推名將  
不是徒能讀

父書

游瑞巖

青山際海秀參天萬壑千巖翠靄遙恠石莊巖  
鏤古佛高臺縹緲挾飛仙磴危欲躡難容足洞  
黝頻穿盡迫有回首種桃人不見花開花落自  
年年

百里尋山不憚遙昔人曾此棄風瓢海當通處  
元成竅路到窮時復有橋募疏未完惟後院題  
名最好是前朝泉流細落如琴響靜坐頻聽水

樂調

登鰲江塔

七層雄峙勢岩巖八面窓開海色遙鰲向江濱  
蟠一柱鴈從雲際屹孤標相輪耀日光初現寶  
鐸臨風響台搖俯視萬峰如蟻垤不知身已近  
青霄

游靈巖

郡乘圖經向未收邇時開鑿始知游千年苔老  
渾成禱六月松深總似秋谷窈窕間雲亂出石  
玲瓏處水爭流振衣臺上舒長嘯俯瞰滄溟日

夜浮

初到泉州何穉孝先生招集東城樓同謝  
脩之王仲紹余可著陳俊于許春夫黃  
俞言長君舅悌分韻得無字

刺桐花落古城隅八面樓開暑氣無竹葉一尊  
傾北海荷香十里映東湖牆頭半截山光斷樹  
杪高撐塔勢孤竟日淹留歡不極謾催斜照急  
啼鳥

蔣中葆新構書齋顏曰獲瓊益以尊人憲



副公方督餉征黎因取其義索題一首  
山下茅茨結數椽南親舍海雲邊誰知宴客  
名齋地遙憶提兵仗鉞年四壁圖書移入始一  
庭花木種來先座間細說征黎事議棄珠厓笑  
賈捐

訪蘇弘家學憲

芳名廿載雅相聞此日龍門始識君長對書籤  
娛歲月暫拋纓冕卧烟雲棋消永晝同僧奕茗  
採先春與客分海內詞壇推主將誰人不重大

蘇文

端午日集許春夫綺雲館同謝脩之何穉  
孝王仲紹余可著盧一清陳峻于分得  
遊字

曲徑雲光散綺流書齋遙入寺門幽當堦恠石  
蒼相疊匝地清陰翠欲浮五色絲絲循楚俗數  
聲檀板按涼州西山最易沉纖月秉燭還期作  
夜遊

過同安訪陳志華太守對雨夜話有作

十載分携道路難  
對君猶似在長干  
橐歸南粵春雲薄  
燭剪西窓夜雨寒  
官爵遲遲緣性懶  
鬚白早為吟安  
漢廷正爾需良牧  
莫使塵生貢禹冠

至漳州哭鄭輅思觀察

巖灘風雨渡扁舟  
曾枉干旄問薄遊  
貴賤交情深十載  
幽冥泉路隔三秋  
花開舊社人長往  
草滿春池夢已休  
莫訝徐卿遲絮酒  
不能容易過

西州

弔徐明卿職方

每從霞社讀聲詩  
霄漢山林識面遲  
詎意及門懷刺日  
正逢厭世蓋棺時  
墨池水涸鷺群散  
紅粉樓肩燕子悲  
莫道神交哀不慟  
斯文將喪淚應垂

初至霞城訪陳元朋留寓嘯樓同張紹和  
唐奉孝陳荆生李羲民楊子聲安集選  
伎侑觴同用游字

五柝新栽曲徑幽  
雲邊縹緲架飛樓  
莫言書畫足

窮愁著可惜官非老病休紅粉兩行歌並美青  
州十斛客堪留不辭命駕從千里却笑山陰返  
子猷

夏日集金友璵園亭

松護軒窓竹護垣鑿池纒石巧爲園有時把釣  
聞臨水長日攤書獨闢門梁上不塵徐釋榻堂  
前常對花融尊種來花木俱增勝更羨平泉有  
子孫

逢唐奉孝

簪冠策杖鬢蕭蕭家在天都遠俗囂老去交情  
深杵臼貧來生計寄漁樵憑陵俠氣千金散汗  
漫遊蹤五岳遙爭說山人工覓句每從江上見  
詩歎

爲呂潛中悼亡

舉案嘗聞蔗下風十年辛苦事梁鴻殘春被冷  
鴛鴦散獨夜簾寒翡翠空贈婦昔年詩總廢悼  
亡今日賦偏工熒熒燈燭非耶是魂魄誰招落

帳中

別元朋

與盡平原十日歡東歸鄉思浩漫漫由來貴賤  
交情見共識欽寄世路難我亦羞言彈短劍君  
應設說拂塵冠還家預掃羅山石秋月相期頂

上看

同鄭瓚思唐奉孝黃惟良集王子謨子忠  
齋頭子忠出其所著測天圖說見貽分  
得青字時予將歸三山

長途爲客嘆飄零歸馬將驅又暫停河朔杯傾

新釀綠瑯琊書訪舊箱青譚高碣石還源問曲  
動關山不耐聽草草相逢容易別離魂先斷半

漳亭

漳州歸抵溫陵同何穉孝余可著碩彥白

集蘇弘家園林時弘家新擢符卿分得

州字

遠自霞城返故丘且將此地當并州清卿尚璽  
斷新命獨客停車訪舊遊丹荔香生三伏雨刺  
桐花老一庭秋明朝策馬溫陵道目斷虹橋水



自流

五虎山下口占

五虎峰高欲接天  
新開官路直如弦  
虹光挂樹赤一  
抹山影入江青  
半邊丹荔遶村當  
伏暑黃雲蔽野屬  
豐年憑高却望鄉  
園近急喚蕭家道  
口船

夾竹桃

一種蕨蕤兩闔奇  
紅侵紗幘綠侵池  
胭脂暗染淇園葉  
香粉輕沾度索枝  
悞引漁郎津口問  
倘

容張鷹影中窺  
昨宵露井風前落  
又似黃陵夜雨時

送沈伯敬還吳因懷其尊人從先亡友

千里辭家遠入閩  
漂零何處可依人  
當年父執已云貴  
此日客途仍復貧  
伏暑飽餐丹殼荔  
秋風遙憶紫絲蓴  
送君倍起存亡感  
宿草幾經墳上春

贈蔣都運

稔聞風雅主騷壇  
籍籍鴻名冠始安  
文學富縹緲

唐蔣父論成監鐵漢桓寬閒庭曉滴榕陰翠卧  
閣晴垂荔子丹公暇野鷗盟可結不令江上水  
烟寒

送喻郡公致仕歸養

爲郡風流更孰如三年剖竹領無諸忽從海上  
拋丹轂欲向花前御板輿歸去竟成元亮賦不  
堪曾答巨源書福星漸與闕天遠無復賢侯每  
式閭

雪巢爲鄭孟麇賦

臨河結構小誅茅  
屈首幽栖宛一巢  
殘絮亂飄當戶片  
古梅斜露過牆梢  
紙窓映月清輝潔  
粉壁黏雲素影交  
莫道楊雄玄尚白  
著書曾解世人嘲

送張孟寧之武林

爲客遙尋古越臺  
江寒羅剎布帆開  
三秋桂落疑飛雨  
八月潮喧駭聽雷  
南渡故宮傷蔓草  
西湖遺迹訪殘梅  
四愁賦就驚人甚  
爭說張衡有雋才

靈源洞和何舅悌

出郭看山俗事拋，尋僧遙向洞門敲。  
水聲喝去枯潭底，峰影飛來古洞坳。  
勝地恰逢重九集，名鐫曾記昔年抄。  
石間松色如虬螭，不改青青滴露梢。

宿露松菴同何舅悌

何處檀那始布金，宵眠不覺入山深。  
鯨音鐘動催僧呪，龍口泉喧答客吟。  
坐待嵐烟消竹塢，起看江月落松林。  
石床夜冷無塵夢，一點禪燈照

楮衾

哭陳伯孺

年來哭友泪紛紛不意今朝哭到君  
床上忍看桐布斂門前哀送紙車焚  
淒涼舊事那堪憶訣絕遺言不可聞  
一片吟魂何處落小樓長日閉秋雲

憶昔譚詩結社年片言相許復相憐  
朱陳誼密婚姻約元白交深唱和篇  
丹旌黃棺人共哭斷金殘粉世爭傳  
生平恪守空門戒淨土應尋九

品蓮

何舅悌自武夷歸過集汗竹巢同蔡達卿

分賦

寒燈寂莫照林梢促膝宵譚是素交九曲尋仙  
歸蠟屐一样留客出山看苔痕繡壁成蟲篆竹  
簡堆床類鳥巢相對同心稱得友喜占周易損  
三爻

臘月廿日吳門吳叔嘉攜李徐仲芳昆訪

留飲小齋共用燈字

炎方溪路少層冰雪後扁舟與可乘烟雨繫愁

懷構李江湖把臂憶金陵

予與叔嘉于金陵定交

鼎烹活

火春濤沸爐宿餘香暮靄疑留得故人寒夜語不妨相對剪明燈

謝在杭水部治河張秋纂脩北河志見寄

爲紀河工筆不停桃花春漲晝冥冥官如何遜司川部書學桑欽著水經荷澤泉源今已涸穀城烟樹舊來青吾山平後功無已千載猶書武

帝靈



除夜邀吳叔嘉徐仲芳守歲與陳叔度陸  
兒同賦因譚庚戌除夕豫章喻叔虞風  
雅堂守歲詩各用其韻

念君羈旅動鄉情小有春盤細菜生杜位盍簪  
邀子美荀家行酒喚慈明喧闐且聽隣街鼓長  
短休論古戍更笑殺窮愁除不去閉門空說著

書成

甲寅除夕

人逢殘臘倍無聊擾擾勞生鬢易凋往事迴思

如昨日一年轉盼又今宵香生子墨慙摘藻花  
落辛盤已頌椒老眼不眠宜守歲苦吟頰映燭  
高燒

乙卯元日

九陌愁聞咽管絃樂遊心事總非前藏身且學  
龍蛇蟄回首空驚犬馬年春日春盤生菜節新  
泉新火煮茶烟讀書久斷風雲志却望兒曹着  
祖鞭

二日同吳叔嘉徐仲芳過藥師殿茂上人

房次韻

不將車馬逐人忙，來扣支公舊竹房。  
玉燭尚留元日跋，寶爐新爇六時香。  
題詩亂洒桃花紙，禁酒誰傳柏葉觴。  
坐到琉璃燈影滅，僧言諸佛是

東方

三日同叔嘉仲芳集趙子含齋中次韻

萬曆新年四十三，入春三日聚高談。  
客如遼海孤飛鶴，詩似吳都二月蠶。  
荔子紅雲遊徼外，杏花微雨憶江南。  
門前塵土餘千丈，結得清緣事

事堪

六日同吳叔嘉過塔影園烹茶夜坐共用

遙字

已是春王第六宵不期而會勝招邀花邊沈水  
涵金鼎林際浮屠卓玉標三徑林深從客入一  
甌茶熟取泉遙分題刻定尊前燭愁殺風吹絳  
蠟消

人日同叔嘉仲芳集袁羽儀宅看迎春分

得歸字

春日春盤細菜肥  
畫堂絲管咽風微  
勾芒賽出  
雙旌繞  
萸英開  
葭七葉稀  
綵仗巧隨牛背轉  
香塵晴  
撲馬蹄  
飛人心共樂  
年光蚤  
深夜長歌緩  
緩歸

穀日立春同  
叔嘉仲芳集  
高景倩  
木山齋  
分得塩韻

朔氣初回漸解嚴  
東風吹草綠  
纖纖木山舊  
拾溝中斷穀日  
新從曆首占韻  
爲吟多爭覓  
險酒  
因夜冷却顏添  
座間竝和陽春曲  
樂府歌徵昔

昔監

送趙淇竹都閩擢粵西叅將

西拂霓旌桂嶺寒  
轅門號令肅材官  
秋搥銅鼓擒蠻壘  
夜枕金戈卧將壇  
緩帶輕裘荒外去  
陰符黃石帳中看  
折衝尊俎推年少  
不比征南老據鞍

趙凡夫以寒山彙草見寄答贈二首

幽人避世任寒山野鶴  
清猿日共閒戶外綠蕪  
行踪少墓前蒼栢淚痕  
斑翻將梵筴同僧譯著

就玄文與婦刪偶向涅槃高嶺望樵青雲外采  
芝還

白首留心辨六書夜深山鬼哭歛歛春江碧荇  
漁郎擢秋圃黃花處士廬卜築買山連瀑引力  
耕區種帶雲鋤遙遙細迓王孫系猶是先朝玉  
牒餘

陳子潛將軍出鎮南澳

天外孤城巨浸環樓舩南去策平蠻一時露布  
通關廣千里風濤渡海山夜靜營門刀斗肅時

平部曲羽旗開素書天女遙相授鈴閣篝燈手  
自剔

上元後五夕施正之大將軍招集春風堂  
觀火樹同吳叔嘉吳無倚徐仲芳陳明  
咨分得咸字

元宵勝會說傳柑共賞殘燈傍劒函午夜清輝  
銀兔出半空飛火燭龍啣當筵授簡陳毛穎列  
隊揮絃抱阮咸送客畱髡歌旣醉酒痕狼籍汗  
春衫



送林夷侯重遊金陵

溫故知新道自尊，頻年作客上都門。  
文高處處刑行卷，路遠宵宵夢故園。  
夜月挂颿桃葉渡，春風騎馬杏花村。  
明時抱璞堪流涕，不獨麻衣拭淚痕。

陪蔣運長宴集曹廉憲園分得八齊

東方千騎不停嘶，閒趁春風到郭西。  
野客交情聯縞帶，山公高興寄銅鞮。  
當筵授簡追梁苑，臨水飛觴擬會稽。  
雅集總指絲與竹，獨容林鳥隔

花啼

送侯官金浮丘父母擢工部主政

最是衝繁兩邑蕪從來始見長官廉天邊飛去  
惟雙鳥笥裡新歸僅一縑爲政數年無卓魯板  
轅此日有蒼黔考工正急冬官記不似閒垂顧  
凱簾

周太朴廟

射鳥山頂結雲松來去精靈六六峰僧舍寄身  
唐處士廟門題額宋高宗姓名不必垂鐘鼎頸

血何難齒劍鋒惆悵昔賢香火地千年行客想  
遺蹤

鄭翰卿浪跡江湖二十五載客死真州弟  
震卿扶櫬歸閩哭之

蕭蕭旅櫬返郊原生寄江湖死故園二十五年  
飄蕩跡四千里路杳冥魂鶴鴒原在增新累燕  
子樓空絕舊思一別親知成隔世幾人衫袖有  
啼痕

憶昔錢唐泛靈湖重逢還記在新都半庄自作

千言賦

翰卿因予作半生行

一死誰存數尺孤少日風流

勝似錦老來幽憤背生疽

翰卿疽發而死

飄零雖作他

鄉鬼猶勝全軀牖下儒

挽易了緣藩幕

扣戶誰將馬策過宦情元似夢南柯紫薇垣北  
長星殞廣柳車前燧露歌石丈尚存思海岳酒  
壚猶在邈山河清緣未了歸真早欲賦招魂涕  
淚多

暮春望日曹能始觀察招陪蔣國平都運

宴集後園賞蜀中紫牡丹歌者侑觴分

西字

異種移來自蜀西一枝濃艷壓闌低日籠香幄  
消紅粉露裊媽姿印紫泥不數芙蓉生木末寧  
同桃李下成蹊歌聲細按清平調多少春光借  
品題

訪胡紹進運經督鹺困闕賦答

三層高閣宸嵩陽十里寒溪曳練長碧蘚經旬  
生印匣白雲終日到公堂官閒每結盟鷗社客

至頻分養鶴糧剩有豪吟消宦况投來新句總  
琳瑯

同林子實傳爾錫集洪汝合載酒航觀妓  
得儼字

鴨綠晴波蕩畫艫好山無數歷蓬窓芙蓉比貌  
偏臨水桃葉迎郎正渡江光蕤蘭膏呈艷態輕  
敲檀板按新腔相逢自有畱情處十斛青州盡  
玉缸

送倪柯古秋試之京

東爰論文便得君廿年窓下苦攻文防身再佩  
雙龍劍展足應空萬馬群寶識玄珠探赤水才  
高片玉上青雲秋風轉盼槐花發京國賢書早  
寄聞

哭吳元化

茫茫泉路去何之身後淒涼事可悲  
幼婦閨中啼帶血老親堂北命如絲  
汗萊分散無遺業玉樹移來是別枝  
幸托芳隣三十載斷腸忍聽哭聲時

更無珠激愈頭風四十行年氣運終漢篆雕鏤  
摹鳥隼毛詩笺疏辨魚蟲詼諧誰復憐方朔儉  
齋何因笑濟沖磊老山房風雨夕空聞絡緯咽  
牆東

寄劉鍾孺將軍

營門細柳綠穆穆年少曾將秘錄探求友喜聞  
黃鳥語論兵閒對白猿譚秋高遠海飛樓鴈夜  
冷清霜拂劍函武緯文經誰得似詩書寧數杜  
征南



劉之果以江右都閩擢福寧參戎携豫章  
鬱儀宗侯書見訪賦贈

曾向騷壇識大名忽然相見卽平生  
鴈鴻遠寄天邊信鷗鷺偏尋海上盟  
禪將一時傳露布霍  
璫千仞繞霓旌  
夜深手校陰符秘  
鈴閣燈燃太乙精

送馮啟明還漳

讀遍新詩與古文異才方識小馮君  
搏風暫鍛圖南翮  
逐電終空冀北群  
候雁曉霜愁獨去  
莫

蟬秋葉法同聞寒窓夜起  
藜光燭芸草香生醉  
典墳

送田生之京省親

天涯秋色遠淒淒  
神物腰間佩驚鷗  
客路勝遊  
驅曉騎官衙問寢聽  
晨雞河聲黃湧浮雲  
北山  
勢青來落日西俠氣  
直凌霄漢表翩翩公  
子讓  
田齊

送袁中丞請告還昆陵

故山歸去且明農  
自有功名勅景鍾  
主上夢熊

當渭水公侯射隼在高墉五湖暫寄新歌咏千里猶思舊折衝應笑勞人空草草狐裘未可歎  
蒙茸

中秋前一夕集陳泰始侍御第觀妓

梧葉翻風爽氣涼開樽頻瀉鬱金香鶯喉曲向良宵度兔魄圓虧後夜充寶炬吐花千樹靄玉簪敲竹半簾霜一時紅粉華堂出爭看分司御史狂

朱鬱儀王孫遠寄古文奇字及水經箋註

併侑以詩賦答

夔虵誰識本相憐可柰相逢隔歲年  
蠹食古文成脉望夫偷丹藥亦神仙  
秋吟滕閣雲飛棟夜泛章江浪拍天  
箋得水經通禹貢千秋桑黝與齊肩

答贈俞羨長見訪

携來雙屐到閩中旣越興亡吊故宮  
幸託名山邀向子喜從幽谷問愚公  
啣杯座客歡今雨握管詞人拜下風  
家在吳淞江上在天隨元是老

漁翁

秋夕集諸客于風雅堂次韻答林仲漁

每聞隣笛憶難兄

叔度之弟

此日逢君倍愴情莫笑

劇緩艱旅食且傾蘭酌緩行程書工左腕多奇

勢

仲漁以左手書

詩抗中原有正聲日斷江南哀不定

子山牢落賦先成

次韻答俞羨長

冷露無聲月正中地幽偏傍九仙宮牆醪漫貫  
過鄰老井韜深投愧孟公桂樹影斜烏鵲夜芙

馨香散鯉魚風座間詩律誰稱細共遜尊前白  
髮翁

送匡山淳上人遊霍童太姥二山

秦川故有兩名山不是方僧到亦艱太姥仙踪  
尋舊址慈皇佛典閱新頒雲扶一錫秋登嶺月  
印千峰夜啟關試與匡廬共題品幽奇誰在弟  
兄間

集絳月蘭若送楊子聲之武林

共尋蘭若會齋來暫當旗亭送客杯金地且看

壽山集 卷之六 一  
秋絳月錢塘還聽晝鳴雷  
鐘鼓雲際鯨音動鞭  
指門前騎影催笑折松枝聊贈別  
他時蓮社待君開

施正之大將軍招同俞羨長胡白叔宴集

春風堂觀雜劇分得寒字

閣前鈴語咽風寒露浥秋花覆  
畫欄注玉芳樽斟麴蘖  
鏤金香板拍沈檀邀懽屢下  
高人榻作賦誰登大將壇  
見說幕中多揖客衛青門下愧

任安

贈朱叅戎

戚公曾此建奇勛今日登壇又屬君刁斗夜寒  
營外月旌旗朝掣海東雲料兵倚馬常傳檄對  
客揮犀雅論文朱鷺饒歌喧細柳亞夫真是大  
將軍

古意新聲十首和俞羨長

白頭吟罷重淒淒不分身如濁水泥玉樹啼妝  
黃鵠怨青絲銜盤紫駟嘶春明醉挾倡家女日  
暮行逢秦氏妻夢裏綿綿思遠道枕前無賴汝



南雜

爲郎顛倒破瓜時腹裡車輪轉憶誰江上鯉魚  
書斷絕林中雌兔眼迷離莫愁歌罷石城樂有  
恨吟成團扇詞記得常壚年十五酒家調笑羽  
林兒

佳人傾國更誰如綵扇團圓月滿初四海孤風  
中夜起東方千騎上頭居蒲梢天馬來無數落  
葉哀蟬怨有餘俠路相逢年少子誰云道隘不  
容車

莫笑羅敷自有夫，耳邊留得大秦珠。  
陵前忍對青青柏，天上驚看歷歷榆。  
涉洧已歡投芍藥，上山休怨采靡蕪。  
鴛鴦七十方羅列，愁殺秦家樹上烏。

白頭誰道不相離，挾瑟高堂少婦悲。  
行樂每懷將進酒，憶歸空念遠如期。  
腸迴弦上箜篌引淚濕，盤中錦字詩。  
却被城東桃李笑，春風誰拆路旁枝。

山上那知復有山，襄陽估客不思還。  
門前柏樹

鳥頭白隴首苞桑雉子斑嫋嫋竹竿孀婦咏盈  
盈蒲鋏女兒環感郎自有千金意貴德從來不  
敢攀

明月盈盈鑿薄帷羅裙窈窕整容儀機無經緯  
難求匹蚕爲纏綿故結絲黃葉向春心獨苦枯  
桐生井子何遲牽牛織女遙相望芳樹空看連  
理枝

合歡繡被夜薰香明月流輝燭我床夫婿上頭  
徒遣更小姑獨處本無郎楊花飄蕩歌連臂瓜

舊相依靠望斷腸湖上雌雄看野鴨成雙因悞逐  
鴛鴦

上聲艷曲聽姑息油壁青驄在郭門夜月苧歌  
還苧舞春風桃葉復桃根枯魚過矣還能泣黃  
鵠離哉更自翻日夕思君衣帶緩博山沉水擁  
香溫

紅羅斗帳七香車碧玉年時正破瓜城上烏栖  
翻舊曲月中龍笛咽誰家偏憐末世多輕薄不  
信長安有狹邪最是春江花月夜哀歌頻聽後

庭花

鄭瓚思孝廉北上過集小齋口占送之

公車五逐北征驥草草相過一晤言入洛詞華  
推小陸結交名姓動中原聞雞夜月尋茅店騎  
馬春風醉杏園慷慨匡時條上策漢家天子正  
臨軒

送胡紹進運幕入覲

一宦栖遲久在閩功高煮海借波臣過家爲愛  
慈闈日戀闕還看帝里春舊烏朝天元可化新

詩盈橐未全貧至尊名對應前席夜半殷勤問  
鬼神

得張維誠平湖書兼惠讀易齋講義且云  
藏書已滿七萬卷又當計借上春官賦  
此寄懷

桃花紅映廣文氈暫拜儒官乞俸錢鄴架藏書  
盈七萬公車奏牘富三千孝廉笑覓同舟侶象  
變高譚大極先上苑春風吹柳色綠衣騎馬御

河烟

酬歐世叔見訪次韻 時自琉球歸

祇爲如蘭臭味深每勞雙屐遠相尋  
茶林此日聞初響卉服當年寄短吟  
十五懷中藏趙璧三千市上碎胡琴  
致身欲向青霄去莫漫人間笑陸沉

送吳仲聲孝廉五上春官

詩詞制業兩能兼猶作青衫老孝廉  
客路純鈞三尺佩舉場文筆五回拈  
鐘聞長樂眠難穩宴錫慈恩醉自霑  
得意春風金勒馬御堤芳草踏

鐵織

送鮑梁父還新安

江南羈旅思難裁  
牢落空懷庾信哀  
路入羊腸愁屐險  
臺收馬骨孰憐才  
閩關峻嶺孤裝薄  
豐水高灘一棹迴  
海燕無心元不競  
任他鷹隼各相猜

送蔣國平都運入覲

官是司農太府卿  
朝天今去謁承明  
詩壇五字推盟主  
鹽筴三年借總平  
丙夜寒聽金漏水  
午



門晴曳玉珂聲海濱有待還珠切矯首河橋竹  
馬迎

寄林允卿

晉陽鳴鐸卽懸車北闕何心再上書酒醉百壺  
親自墮詩工五字逼黃初壯心未已頻看劍生  
詩無營自荷鋤咫尺維桑孤識面怡山還擬問  
仙居

送丁亨文赴銓曹

高卧東山歲幾更璽書催起握銓衡天官主爵

德周典星使乘槎上漢京才似風斤千里運公  
同冰鑑一輪清文章久屬詞林冠不羨區區放  
事名

送許廣文擢象山令

春風絳帳別諸生新綰銅章宰四明百里隄封  
三面海八方巡寨盡圍城日長公案無留牘夜  
靜冰絃有妙聲雅負勝情蕪勝具象峰高處日  
經行

小至夜施大將軍春風堂同姑蘇陶神甫

陳明咨漳南張紹和分賦

華堂長夜飲厭厭觴令渾如將令嚴葭管吹灰  
方轉律梅花飛雪正巡簷門閉刀斗妖氛靜市  
近盤餐海味無諸客漫愁鄉國異掌中杯酒任  
頰添

張紹和北上過集小齋再廢前韻

北走京華興未厭馬蹄遙踏曉霜嚴暫停行李  
驅長路且探寒梅坐短簷竹月影於燒燭亂松  
風聲與煮茶兼明年獻就凌雲賦早向霏雲集

上添

送翼溟上人遊五臺

古漳辛苦闢曾岩，習靜多年任草庵。  
故院本師方暫別，名藍耆宿不嫌參。  
清涼佛地臺登五，總妙禪經藏閱三。  
稽首文殊菩薩界，圓光夜夜現

山南

謝唐奉孝惠篔簹冠

竹籜爲冠製作新，輕籠短髮態清真。  
自偕桐帽垂時尚，堪配筇枝伴老身。  
孫笑逍遙同道士，客

誇蕭散稱山民莫言我戴無封事也奏青詞謁  
玉晨

老態

老態相尋懶病餘自憐無用類莊樗髮於秋後  
常嫌短齒到年多漸覺踈欲作細書憑眼鏡要  
行長路藉肩輿不須徵夢吾已衰甚差有稚心尚  
未除

冬夜山齋卽事

城居幽僻似深村寂寂茅齋早閉門燈火半龕

諸佛在圖書四壁古人存香燒栢子薰爐煖  
入梅花紙帳溫偶喚山童供茗碗隔窓頻聽雪  
澗喧

乙卯除夕

堪歎羲和快着鞭松枝又見蕪門前中秋月好  
偏逢閏歲臘春來已隔年猶幸未成還筆夢不  
曾留得賣文錢閒看五尺童孫戲高放流星射  
遠天

黎龍峰集十九